

Тасалли



15:36 / 26.12.2022 1676

Битта ҳикоя баъзида мингта дарсдан фойдалироқ бўлади. Шунинг учун ҳам Қуръони Каримнинг учдан бири ҳикоялардир.

Бу ҳикоялар шунчаки кўнгил хушлаш ёки ўқиб мазза қилиш учун айтилмаган. Бу ҳикоялар нозик дарслардир.

Аллоҳ таоло бизга ифбат ҳақида дарс беришни истаганида Юсуф алайҳиссалом ҳақида гапирди.

Сабот ҳақида дарс бермоқчи бўлганида Фиръавннинг сеҳргарлари ҳақида гапирди.

Дуонинг ижобат бўлишини ўргатмоқчи бўлганида Нух ва Закариё алайҳиссаломлар ҳақида гапирди.

Осийларнинг кўз бўямачилигини ўргатмоқчи бўлганида Бани Исроилнинг сигири ҳақида гапирди.

Неъматга ношукрликни ўргатишни истаганида икки боғ соҳиблари ҳақида гапирди.

Ота-онага яхшиликни ўргатмоқчи бўлганида Исмоил алайҳиссалом ҳақида гапирди.

Бандаларига нусрати ҳақида дарс бермоқчи бўлганида Иброҳим алайҳиссаломнинг олови ва Мусо алайҳиссаломнинг денгизи ҳақида гапирди.

Бахилликнинг оқибатини англатмоқчи бўлганида боғ соҳиби ҳақида гапирди.

Интиқоми қандай бўлишини англатмоқчи бўлганида Самуд, Од ва Лут

қавми ҳақида гапирди.

Ҳикматни ўргатмоқчи бўлганида Луқмон ҳақида гапирди.

Бахиллик ва кибрнинг оқибатини англаймоқчи бўлганида Қорун ҳақида гапирди.

Баъзиларга ҳужум ўз яқинлари томонидан бўлишини англаймоқчи бўлганида Юсуф алайҳиссалом ҳақида гапирди.

Ўз лашкарларини ниҳоятда диққат билан танлашини билдирмоқчи бўлганида Нух алайҳиссаломнинг тўфони ва фил воқеасини гапирди.

Отасига оқ бўлган фарзанд ҳақида бизга англаймоқчи бўлганида Нух алайҳиссаломнинг ўғли ҳақида гапирди.

Ҳасад ҳақида бизга дарс беришни истаганида Қобил ва Ҳобил ҳақида гапирди.

Золимларнинг ҳамоқати ҳақида дарс беришни истаганида Фиръавн ва Намруд ҳақида гапирди.

Қиссаларнинг инсон нафсида тутган ўрни катта. Улар нафақат ёшларга, балки катталарга ҳам тарбия василаси, ваъз-насиҳатдир.

Қиссаларни қизғанмайлик. Битта қисса мингта ваъздан яхшироқдир.

Аввалгилар қиссасида тасалли бор.

Эй фарзанди оқ бўлган оталар! Нух алайҳиссаломдан тасалли топинг!

Эй отасининг исёнидан қийналганлар! Иброҳим алайҳиссаломдан тасалли топинг!

Эй ёмон хотинга мубтало бўлганлар! Лут алайҳиссаломдан тасалли топинг!

Эй ёмон эрга мубтало бўлганлар! Фиръавннинг хотини Осиё хонимдан тасалли топинг!

Эй касалликка мубтало бўлганлар! Айюб алайҳиссаломдан тасалли топинг!

Эй фарзандидан айрилганлар! Яъқуб алайҳиссаломдан тасалли топинг!

Эй ёмон амакиларга мубтало бўлганлар! Муҳаммад алайҳиссаломдан тасалли топинг!

Агар сизга булар тасалли бўлмаса, ер юзидаги бошқа инсонлардан тасалли топа олмайсиз!

Абдулқодир Полвонов